

Ilisimasortat il.il. pillugit Kalaallit Nunaanni nalunaarut

Imaani isumannaatsuunissaq pillugu inatsimmi § 1, imm. 3, § 3, § 6 aamma § 32 naapertorlugit, tak. inatsimmik nalunaarut nr. 72, 17. januar 2014-imeersoq, kunngip peqqussutaatigut Kalaallit Nunaanni atuutilersinneqartoq, tak. peqqussummik nalunaarut nr. 1674, 16. december 2015-imeersoq kiisalu ilisimasortat pillugit inatsimmi § 8, imm. 3, 12, imm. 2 aamma 3, § ½4, imm. 3, § 24, imm. 7, § 26 a, 26 b, aamma § 34, imm. 4 naapertorlugit, ilisimasortat pillugit inatsit nr. 567, 9. juni 2006-imeersoq, inatsisikkut nr. 478, 10. maj 2012-imeersuklut allanngortinneqartoq, aamma inatsit nr. 1231, 18. december 2012-imeersoq, peqqussutikkut nr. 985, 24. august 2015-imeersuklut Kalaallit Nunaanni atuutilersinneqartoq, Namminersorlutik Oqartussat isumasioqatigereerneratigut piginnaatitsererneratigullu, aalajangersarneqarpoq:

Kapitali 1

Nassuiaatit

§ 1. Nalunaarummi uani makku imatut paasineqassapput:

- 1) Ilisimasorta: Ilisimasortaasinnaanermut Søfartsstyrelsimit uppersaammik allagartaqartinneqartoq.
- 2) Ilisimasortaasinnaanermut uppersaamat: Allagartaq Søfartsstyrelsimit uppersaasiunneqartoq, ilisimasortaaffigisinnaasat erseqqinnerusumik taallugit allagartalimmut piginnaatitsissut.
- 3) Sumiiffik ilisimasortaaffigisinnaasaq: Immap/nunap assingani sumiiffik, ilisimasortaasinnaanermut uppersaamat malillugu ilisimasortap ilisimasortaaffigisassatut piginnaatitaaffigisaa.
- 4) Ilisimasortannorniaq: ilisimasortaalernissamut sungiusarneqartutut Søfartsstyrelsip akuerisaa.
- 5) Ilisimasortannorniap id-kortia: Søfartsstyrelsimit uppersaasiussa, ilisimasortaalernissamut sungiusarneqarnermut, ilisimasorta q sanileralugu malinnaasutut sungiusarneqartussatut peqataanissamut piginnaatitsissut.

Kapitali 2

Ilisimasortaasinnaanermut uppersaamat

§ 2. Qinnuteqaateqareernikkut ilisimasortaasinnaanermut uppersaasiortoqassaaq, qinnuteqaateqartoq

- 1) Imatut qaffasissusilimmik ilinniartitaareersimappat, umiarsuup angissusaa apeqqutaatinnagu qinnuteqaateqartoq umiarsuarmi aquttuusinnaalluni,
- 2) Sivikinnerpaamik ukiuni marlunni umiartornermi pineqartumi aquttutut aquttuunertulluunniit misilittagaqarsimappat,
- 3) Immap assingi elektroniskiusut (ECDIS) naammattumik ilisimasaraqfigalugit uppersarsinnaappagu,

- 4) Peqqissusermut oqaaseqaateqartanngitsumik atuuttumik uppernarsaateqarpat, tak. Søfartsstyrelsi aalajangersagai,
- 5) Ilisimasortatut ilinniartitaaneq naammassisimappagu, tak. kapitali 3,
- 6) Ilisimasortaq sanileralugu malinnaasimasutut naammassilluni sungiusarneqarsimappat, tak. kapitali 4,
- 7) Sumiiffimmi ilisimasortaaffigisassatut qinnuteqaateqarfiusumi immikkut ittumik paasisimasarpat misilittagaqarpallu, tak. kapitali 5,
- 8) Piukkunnassusermut atuakkatigut suliatigullu misilitsinneq qaqsiffigisimappagu, tak. kapitali 5, aamma
- 9) Ilisimasortat pillugit inatsimmi § 24 naapertorlugu ilisimasortaarfimmut nalunaarsugaasumut attuumassuteqarpat.

Imm. 2. Imm. 1, nr. 1-2-mi malittarisassanit Søfartsstyrelsi immikkut ittumik akuersissuteqarsinnaavoq. Taamaattorli umiarsuit ilisimasortap aquttuuffigissallugit pikkorissuseqarfiginngisaasa ilisimasortaaffigisinnaanissaannut uppernarsaasiisoqanngisaannassaaq.

Imm. 3. Ilisimasortaasinnaanermut uppernarsaammi allassimassaaq, sumiiffiit ilisimasortaaffigisassat pineqartup ilisimasortaaffigissallugit piginnaatitaaffiginerai. Allagartaq uppernarsaat assersuutigalugu killeqartinneqarsinnaavoq ukiup qanoq ilinerani aalajangersimasumi ilisimasortaasoqarsinnaanersoq, umiarsuarnut qanoq angissusilinnut imaluunniit sumiiffiup ilisimasortaaffigisinnaasap immikkoortuisa ilaanut arlalinnut.

Imm. 4. Imm. 1 nr. 4 naapertorlugu peqqissusermik uppernarsaat oqaasertalerneqarsimappat, paasisutissanik amerlanerusunik Søfartsstyrelsi piumasaqarsinnaavoq qinnuteqaateqartoq ilisimasortatut suliasamik ingerlataqarsinnaanersoq nalilersorumallugu.

§ 3. Ilisimasortaasinnaanermut uppernarsaat ilanngussaq 1-imi aalajangersakkat malillugit ilusilerneqassaaq.

Imm. 2. Ilisimasortaasinnaanermut uppernarsaat ukiunut tallimanut atuuttussanngortinneqassaaq.

Imm. 3. Ilisimasortaasinnaanermut uppernarsaat arsaarinnissutigineqarsinnaavoq, ima pisoqarpat

- 1) ilisimasortaasinnaanermut uppernarsaammi atugassarititaasunik, ilisimasortat pillugit inatsimmi aalajangersakkanik imaluunniit ilisimasortat pillugit inatsisit naapertorlugit aalajangersagalianik uppernarsaammik pigisalik unioqqutitsisimasutut imminut pisuutippat, imaluunniit
- 2) aamma pissutsit eqqarsarnartoqartippasuk, allagartamik uppernarsaammik pigisalik ilisimasortaanerminik ingerlatsiinnassanersoq.

§ 4. Ilisimasortap nalilerpagu sumiiffimmi najukkami misilittagareqqusaasut attatiinnarnissaat ajornarsisimasoq, piffissap allagartaqarfiup naannginnerani ilisimasortamik sanileqarluni malinnaanermigut sumiiffimmi ilisimasortaaffigisinnaasatut allagartaqarfiusumi ilisimasortaq misilittagaqqilersinnaavoq.

Kapitali 3

Ilisimasortassatut ilinniartitaanermi piumasaqaatit

§ 5. Ilinniartitaanermi § 2, imm. 1, nr. 5-imi taaneqartuni, pineqarput

- 1) Bridge Ressource Management aamma Emergency Training pillugit ilisimasortatut pikkorissarnissat,
- 2) Ilisimasortat umiarsuarmik ingerlaartumik aqutsisinnaanerat
- 3) Ilisimasortaannermut inatsiseqartitsineq ilisimasortanut,
- 4) Issittumi pissutsit pillugit pikkorissarneq ilisimasortanut, aamma
- 5) Inuttut isumannaatsuunissaq pillugu pikkorissarneq ilisimasortanut.

Imm. 2. Pikkorissarnerit siuliani taaneqartut imassaat pillugit piumasaqaatit nassuiarneqarput Kalaallit Nunaanni ilisimasortat ilinniartitaasarnerannut Søfartsstyrelsip pilersaarutaani.

Imm. 3. Pikkorissartitsisarnerit imm. 1, nr. 1-4-mi taaneqartut minnerpaamik ukiut tallimakkaarlugit ingerlanneqartassapput, kisianni pikkorissartitsisarneq imm. 1, nr. 5-imi taaneqartoq minnerpaamik ukiut pingasukkaarlugit ingerlanneqartassallutik.

Kapitali 4

Ilinniarsimasumik sanileqarluni sungiusarneqartarneq

§ 6. Qinnuteqaateqareernikkut ilisimasortannngorniat id-kortissaat Søfartsstyrelsip pilersittassavai, ilisimasortannngorniap § 2, imm. 1, nr. 1-imi piumasaqaatit naammassisimappagit.

Imm. 2. Ilisimasortannngorniat idkortiat ilanngussaq 1-imi aalajangersakkat malillugit ilusilerneqassaaq.

Imm. 3. Ilisimasortannngorniat idkortiat ukiumut ataatsimut atuuttussanngorlugit pilersinneqartassapput.

§ 7. Sumiiffiit ilisimasortaaffigisassatut qinnutigisat suulluunniit tamarmik immikkut ilisimasortannngorniamit ilinniarneqartassapput ilisimasortaareersumik sanileqarluni malinnaatinneqarnikkut.

Imm. 2. Ilisimasortatut uppersaammik allagartalik saniliulluni malinnaatitsilluni sungiusaasuusassaaq.

Imm. 3. Ilisimasortannngorniaq imaluunniit ilisimasorta q ilisimasortaasartoqarfimmut imaluunniit ilisimasortatut akuerisaasumut saaffiginnittarsinnaavoq, kingorna ilisimasortamik imaluunniit ilisimasortannngorniamik malinnaatitsisussamut ilisimasortaannernullu peqataatitsisussamut, sanileqarluni malinnaatinneqarnissaq kissaatigineqarpat.

Imm. 4. Ilisimasortaqaarnermi pineqartumi ataatsimi sanileqarluni malinnaatitsinermi inuk ataaseq sinnerlugu amerlassusilinnik peqataatitaqarnissamut kinaluunniit pisussaatinneqanngilaq.

Imm. 4. Saniliulluni malinnaatinneqarnermi aningaasartuutaasinnaasut ilisimasortannngorniap imaluunniit ilisimasortap akilertassavai.

Kapitali 5

Sumiiffimmut najukkamut ilisimasaqarnissamik piunasaqaat

§ 8. Ilisimasortatut allagartartaarnissamik qinnuteqaateqartut sumiiffinnut ilisimasortaaffigisassanut annertuumik ilisimasaqarnertik uppersarsinnaassavaat, matumani ilanngullugu Kalaallit Nunaata sineriaani sivisuumik umiartorsimanerup uppersarnissaa. Tamatuma saniatigut Kalaallit Nunaat aamma tassani pissutsit pisarialimmik ilisimasaqarfigissavaat.

Imm. 2. Piffissap umiartorfigisimasap (umiartornermut allagartap) uppersarnissaata saniatigut, sumiiffimmi najukkami ilisimalersimasat qinnuteqaateqartut sukumiisumik nassuiarsinnaassavaat. Nassuiaammut ilanngunneqassapput suliarisimasap ilusaa annertussusaalu pillugit sulisitsisup uppersaasiussai.

Imm. 3. Pisuni tamani ataasiakkaani inuit ataasiakkaat pillugit nalilersuineri Søfartsstyrelsip aalajangissavai uppersaanissamut piunasaqaat naammassineqarsimanersoq aamma sumiiffik najugaq pillugu ilisimasat naammannersut.

Imm. 4. Qinnuteqaateqartut aamma ilisimasortatut allagartallit sumiiffinni ilisimasortaaffigisani ataasiakkaani umiartorsimanerit/ilisimasortaasimanerit uppersaataat Søfartsstyrelsimut elektroniskiusumik nassiuttassavaat. Nassiussineq pisassaaq Søfartsstyrelsip nalunaarusioriaasia aqqutigalugu.

Kapitali 6

Ilisimasortatut allagartartaarnissamut piukkunnassusermut misilitsinneq

§ 9. Piukkunnassusermut misilitsinnerup ilaa suliassaqarfiusoq tassaavoq sumiiffimmi ilisimasortaaffigisassatut qinnuteqaateqarfigisami ilisimasortatut ingerlatsineq.

Imm. 2. Piukkunnassusermut misilitsinnerup ilaa atuakkatigut misilitsinneq tassaavoq nal.ak. 4 missaani misilitsinneq, sumiiffinnut ilisimasortaaffigisassatut qinnuteqaateqarfigisanut tamanut ilisimasat pillugit soraarummeerneq.

Imm. 3. Piukkunnassusermut misilitsinnermi peqataassaaq ilisimasortaq, sanileralugu sungiusaanermi peqataasimasoq aamma nalilersuisartooq (censor) Søfartsstyrelsimut toqqarneqartoq.

Imm. 4. Piukkunnassusermut misilitsinnissamut sumiinnissaq piffissarlu qinnuteqaateqartup aalajangersinnaavaa.

Imm. 5. Tamatumunnga aningaasartuutaasinnaasut qinnuteqaateqartup akilissavai, ilanngullugit piareersarneq, tiimimusiata angalanermilu aningaasartuutit il.il.

Kapitali 7

Pineqaatissiissutit

§ 10. §§ 2-9-mi pineqartunik unioqutitsinernut Kalaallit Nunaanni pinerluttulerineq pillugu inatsit naapertorlugu pineqaatissiissutissat aalajangerneqarsinnaapput.

Imm. 2. Uuttuinermi sakkortusaatitut isigineqassapput

- 1) Unioqutitsinermi inuuneq imaluunniit peqqissuseq innarlerneqarsimappat imaluunniit navianartorsiortitsisoqarsimappat,
- 2) Tamatuma peqataanik siusinnerusukkut inerteqquteqartoqarsimappat imaluunniit peqqusisoqarsimappat imaluunniit pissutsinut taamaaqataanut, imaluunniit
- 3) Unioqutitsinermi namminermut allanulluunniit aningaasanik iluaqusiinissaq anguneqarsimappat siunniunneqarsimappalluunniit.

Imm. 3. Pinerluttulerinermut inatsimmi aalajangersakkat naapertorlugit unioqutitsinikkut pissarsianik arsaarinnittoqarsimangippat, akiliisitsinissap uuttortarneqarnerani, tassani ilanngullugit tapertatut akiliisitsinermi, aningaasatigut iluaqusiinissaq angusimasap siunniussalluunniit annertussusissaa immikkut eqqarsaatigineqassaaq.

Imm. 4. Ingerlatseqatigiiffiit il.il. (inatsisilerinermik piginnaatitaasut pisussaatitaasullu) unioqutitsisimappata inatsisilerinermik piginnaataasoq pisussaatitaasorlu akiliisitaanissamut akisussaatinneqarsinnaavoq. Naalagaaffik, Namminersorlutik Oqartussat, kommuuni, kommuunimi ataatsimoorussiffik, kommunalbestyrelsit imaluunniit nunaqarfinni aqutsisut il.il. imaluunniit nunaqarfimmi siulersuisut pillugit inatsisartut inatsisaanni § 64-imi pineqartut unioqutitsisimatillugit pisortatut oqartussaaffik pineqartoq akiliisussanngortinneqarsinnaavoq.

Pillarneqarnissamut aalajangersakkat

§ 11. Pineqartoq Kalaallit Nunaanni najugaqanngippat imaluunniit pineqartoq inuiaqatigiinnut kalaallinut atanera annikinneruppat, pineqaatissiissutissat atornissaannut tunngavissaqanngippat, suliaq suliasanngortinneqarsinnaavoq imaluunniit Danmarkimi malersugassanngorlugu innersuussutigineqarsinnaavoq.

Imm. 2. §§ 2-9-nik unioqutitsineq akiliisitaanermik imaluunniit ukioq ataaseq tikillugu parnaarussaaneermik pillarneqaataasinnaavoq.

Imm. 3. Pillarneqarneq ukiut marluk tikillugit sivitsorneqarsinnaavoq, ima pisoqarpat

- 4) Unioqutitsinermi inuuneq imaluunniit peqqissuseq innarlerneqarsimappat imaluunniit navianartorsiortitsisoqarsimappat,
- 5) Tamatuma peqataanik siusinnerusukkut inerteqquteqartoqarsimappat imaluunniit peqqusisoqarsimappat imaluunniit pissutsinut taamaaqataanut, imaluunniit
- 6) Unioqutitsinermi namminermut allanulluunniit aningaasanik iluaqusiinissaq anguneqarsimappat siunniunneqarsimappalluunniit.

- 1) Unioqutitsinermi inuuneq imaluunniit peqqissuseq innarlerneqarsimappat imaluunniit navianartorsiortitsisoqarsimappat,
- 2) Tamatuma peqataanik siusinnerusukkut inerteqquteqartoqarsimappat imaluunniit peqqusisoqarsimappat imaluunniit pissutsinut taamaaqataanut, imaluunniit
- 3) Unioqutitsinermi namminermut allanulluunniit aningaasanik iluaqusiinissaq anguneqarsimappat siunniunneqarsimappalluunniit.

Imm. 4. Pillaasarnermik inatsimmi kapitalit 5-aanni malittarisassat malillugit ingerlatseqatigiiffiit il.il. (inatsisilerinermik piginnaatitaasut pisussaasullu) pillarneqarsinnaapput.

Kapitali 8

Atuutilersitsineq

§ 12. Nalunaarut atuutilersinneqarpoq ulloq 1. juli 2016.

Søfartsstyrelsen, ulloq 11. december 2015

TROELS BLICHER DANIELSEN

/ Michael Skov